

DE IUDAEIS ET CAELICOLIS.

1.9.1

Imp. Antoninus A. Claudio Tryphonino.

Quod Cornelia Salvia universitati Iudaeorum, qui in Antiochensium civitate constituti sunt, legavit, peti non potest.

D. prid. k. Iul. Antonino A. IIII et Balbino cons.

[a. 213]

2 Ὁ κράτιστος τοῦ ἔθνους ἡγούμενος ταῖς σωματικαῖς ὑπηρεσίαις τῇ τῆς θρησκείας ἡμέρᾳ, καθ' ἣν ἀργεῖν εἰώθητε, μὴ ἐνοχλεῖσθαι ὑμᾶς προνοήσει.

id est:

Potentissimus populi rector curabit, ut cultus die, quo vacare soliti estis, corporalibus muneribus non inquietemini.

1.9.3

Imp. Constantinus A. ad Euagrium pp.

Iudaeis et maioribus eorum et patriarchis volumus intimari, quod, si quis post hanc legem aliquem, qui eorum feralem fugerit sectam et ad dei cultum respexerit, saxis aut alio furoris genere, quod nunc fieri cognovimus, ausus fuerit attemptare, mox flammis dedendus est et cum omnibus suis participibus concremandus.

D. XV k. Nov. Murgillo Constantino A. IIII et Licinio IIII cons.

[a. 315]

1.9.4

Imp. Valentinianus et Valens AA. Remigio magistro officiorum.

In synagoga Iudaicae legis velut hospiti merito intruentes iubeas emigrare: quos privatorum domus, non religionum loca habitationum merito convenit attingere.

D. prid. non. Mai. Treviris Valentiniano et Valente AA. cons. [a. 368? 370? 373?]

1.9.5

Imp. Gratianus Valentinianus et Theodosius AAA. Hypatio pp.

Iussio, qua sibi Iudaeae legis homines blandiuntur, per quam eis curialium munerum dabatur immunitas, rescindatur.

D. XIII k. Mai. Mediolani Merobaude II et Saturnino cons.

[a. 383]